


CMYK

Happy Children's Day



Alak man apart ₹

If undelivered pliz return to:

ESC SECRETARIAT,
Chengkawinpang, Churachandpur,
Manipur - 795158

CHAMNA AW PHUNGUVUKNA DING
1. Chief Patron - ₹ 5000.00
2. Patron Member - ₹ 4000.00
3. Diamond Member - ₹ 3000.00
4. Gold Member - ₹ 2000.00
5. Silver Member - ₹ 1000.00

Chamna Aw
(Evangelical Monthly)
Regd. No. 64436/96
E-mail: e7s7c7@gmail.com
www.synodchurch.com

PIN

Published by Rev. Thangkhosiem on behalf of the Evangelical Synod Church
Printed at: THAWNSAAU PRINTING WORKS, CENTRAL LAMKA.



Chamna Aw

(A Monthly Organ of the Evangelical Synod Church)

Vol. XXXII No. 03 June, 2017



4th Pentecost Day



18th Father's Day

2017 Kum thupi: KRISTA DINGA PALAI
II Korinth: 5:20

Editor: Rev. Thangkhosiem

Chamna Aw

SUOPAT KUM 1986

ə sunga thu umte

- Editorial 01
- Thagau thiengtho puitu lopi pen 03
- Kumsawt a um zing ding
Pathien thu chuh 05
- Nu leh Pa chunga chapate
mawhpuokna 08
- Gangte Missionary Fellowship 12
- Central Biel leh Khuo chenga
committee memberte
prayer fellowship report 2017 15
- Bunglawn nute camp report 17
- "Na umdan ding Lalpa
chung ah nga'n 19
- Belampu mawhpuok 23
- Numbar 666 leh Aadhar card 25
- Bible Study 26
- Pauchamna apawimawh takzet hi ... 30

- EDITOR ANA HITE
1. Upa Lalkhoin 1986
 2. Rev. Khaigin Gangte 1987-2005
 3. Rev. Lamkhawsat 2006-2013

Vol. XXXII No. 03
June, 2017

EDITORIAL BOARD

Chairman:
Upa Dr. L.S. Gangte, M.A. M.Phil.

Editor:
Rev. Thangkosiem M.Div.

Asst. Editor:
Rev. K. Siemlien B.D.

Associate Editor:
Rev. Khaigin Gangte B.D.
Upa Paozalun B.A.
Rev. L. Sata B.Th.

Bible Study:
Rev. T. Kamgin Gangte M.Th.
Evan. Pauhomang B.D.

Contributing Editor:
Upa Th. Mangnul B.A.
Rev. T. Kampu M.Th.
Rev. Henkholien M.B.S.
Pastor Khaitinthang B.Th.
Evan. L. Minthang B.Th.
Miss Chinboi MRE

Circulation Manager:
Mr. Paubik, Secy. SEB
Mr. Letkhokam, Cashier

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiangkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuooh cheng hi ESC Ngaihdan ahi vek khel puoi. Article zikte'n a mawh a kipuok chiet ui.

CHAMNA AW PATRON MEMBER LIST

CHIEF PATRONS:	
1. Pu S. Paukholal	Chief of Bunglon
2. Ebenezer Chapel	D. Phaileen
3. ESC Shillong	Shillong
4. Mr. S.K. Juiliana	Lamphei
5. Nk Sawmte K. Gangte	Fujairah, UAE
6. Nk Esther Tinglamkim	Gangte Veng
7. Pu Thangzago (K.Vawmcha)	Chiengkawnpang
8. Langol ESC	Langol
9. Mrs Hoisi W/o Laldawng K.Gangte	Jiribam
10. Upa Letkam	Bunglon
11. Pu (L) Kamgo K.Gangte	Phuolsanbung
12. Shillong Local Missionary Board	Shillong

PATRON MEMBERS:

1. Pu Henkjam	Siempat	1994
2. Sep. L. Gangte 5th	Assam Regt.	2003
3. Dr. Lalzazdal	Chiengkawnpang	2004
4. Upa Niala	Shillong	2004
5. Pu P. Gangte	Shillong	2004
6. Pu B. Manga	Shillong	2004
7. Pu S.T. Gangte	Shillong	2004
8. Pu Lalkithang	Delhi	2004
9. Rev. Dr. Soson	Dimapur	2007
10. Rev. T. Kampu	Guwahati	2008
11. Pi Phalneihthiem	Dehradun	2008
12. Pi B.K. Gangte	Dehradun	2008
13. (L) Hengo	Chief of Chongmun	2010
14. Upa Dr. L.S. Gangte	Chiengkawnpang	2011
15. Pi Niengzalam	Chiengkawnpang	2011
16. Pu Sangvung	Chiengkwanpang	2011
17. Pu S.K. Gangte	Shillong	2011
18. Pu Lovejoy	Kohima	2013
19. Pu Goginthalang	Shillong	2013
20. Pi L. Minlun Gangte	Shillong	2013
21. Pi Lalkim	Shillong	2013
22. Hav. H.L. Gangte	Shillong	2013
23. Ms. Grace Lalbiak	Guwahati	2013
24. Pu L. Neihsiel	Shillong	2013
25. Pu Lamtinlien	Shillong	2013
26. Pu S. Thienlaljoy,	SDO H.Q. Veng	2013
27. Pu L. Sawia	Gangte Veng	2013
28. (L) Lt. Col. L. Gangte	Chiengkawnpang	2013
29. (L) Upa K. Manga Gangte	Shillong	2013
30. Rev. Dr. Th. Lamboi Vaiphei	Hill Town	2015
31. Pu K. Pauboi Gangte	Chiengkawnpang	2015
32. Siemlaljoy	Lamphei	2016

DIAMOND MEMBER:

1. Upa Lamkhodem	Chiengkawnpang	2015
2. Mrs Felli	Chiengkawnpang	2015
3. Moizokim (Chloe)	Lamphei	2015
4. Pu Lama B. Gangte	Lamphei	2016

GOLD MEMBER:

1. Pi Niengneihchoi	New Delhi	2014
2. Agape Children Eng. Jr.H/S. Ithing,	Moirang	2016

SILVER MEMBER:

1. Pi Sailothangi Thangzom	Old Lambulane, Imphal	2014
2. Antioch High School Abicharan	Tripura	2014
3. Upa Thanglal	Bijang	2015
4. Upa Laltinthang	Gangpimou 2	015

kipahthu gennate, mi cheng cheng dingin, Pathien kawma latsak dingin ka til na hi" (I Timothy 2:1).

8. Pauchamna hi thagau galvan chabi ahi:

Joshua leh Israelte'n Amalekte a do lai un, Aron leh Hur in Mosi khut langkhat gel tangchung ah a dawm ua, zie hi pauchmna chikhat ahi. zie hi Bible a I sim chun guolzawhna chuh Mosi pauchamna a kinga ahi. Thiemgau Samuel in zie hi a hechien a, Setan chu pauchamna'n a suling zo in, a zo ahi (I Sam. 1:5)

9. Pauchamna hi Inkuon kiphuhna ahi:

In pauchamna umlohma chu In achung bei tawh kibang ah, chuleh Inkuon pauchamna chu ading et ahi. Akigen bangin, "Inkuon paucham khawm chu Inkuon umkhawm le ahi" Lalpa Isu Krista'n, Matthai 7:24-27 na'n Insak ding dan diktak ei na sinsak a, zie chu ahihloh leh guohpi, huihpi leh tuilien te'n In chu hun susie ding ahih dan Krista'n ana gen ahi. Himahleh, tuni hin Kristien tamtak in a In u chuh melhawihna, mel le panga, vanken dungzui, a san aniem dungzui, a thilneih leh a go neihdan dungzui in a siem guo sek uh ahi. Alehlem ah,

Paucham, Anngawlhma, Pathien thu ngaihtuohna leh Krista lopina ding haw hi ahi Insung siemna dinga abulpi pawimawh haw chuh.

10. Mu taka sim na hihna dingun paucham un:

"Zieziekchun, zie thil hungtung dingte chuh peltak leh mihiem chapa masanga ding taka guot na hih theihna dingun, bangtik lai inle, paucham kawm in khawni ngai un" (Luke 21:36). Himahlele, thil cheng cheng tawpna ding chu anai ta a. Zieziekchun, na paucham theihna dingun, lungthim diktak pu'n, chingkieu in um un (I Peter 4:7). Ni nununglam ahih, lungkie lo a thagau a I paucham zing hi apawimawh ahi.

Zie achunga point 10 (sawm) haw hi hezing in, pauchamna hi amamawh in, apawimawh ahi. Gingtu paucham mun/hat chu gingtu hat ahi. Tuni hin nang leh kei I hat theihna ding, bangkim hetu Lalpa'n ei kawkmuh hi bawl in, gingtu thumang leh paucham hat leh mun hithei dingin Lalpa'n a thu I zikte hi a simtute chenga dingin ei malsawmsak in, ei vangsak sak ta hen. Lalpa lopina chang ta hen.

Editorial



"Nanguh pate haw na chateu sulungna kiu inla, Lalpa thununna a leh, a hilhna achun seiletsak zawu in" Eph.6:4.

Chate phataka etkawl leh lamdik a puih chu baihlam tak ahi ti thei kuomah aum puoi. Chate chu ahung khanlet dungzui un, taksa leh thagau haksatna hun nei to zel ahiu hi. Zie a apawimawh uleh deih chu a muh zel dinguh ahi. Pa chun a chate dinga pawimawh ahih loh chun, asie lam a chate chieh zel ahi. Chate chunga Pate hihding pawimawh diekte chi giet en hitiu:-

1. Chate umna mun chu mun bit hi ding ahi. Chate chu, taksa thila suklauhna, lunggel haksa taka kawihloh ding ahi. A umna mun u chu, bittak leh lungmuonga aum dinguh ahi.
2. Chate'n apawimawh diek haw chu hihsak ding ahi (a) Tui kiting leh thiengtho (b) Taksa hiselna theih nekledawn kiting (c) Mun bit leh nuom a kawih ding ahi. Chuleh nik leh puon akilawm tawk neihsak tei ding.
3. Chate chu ahihnau hetthiempih a, zah ding, chate lam dika pui a hilh ding ahi. A taksapnau leh a lawhtitnau hetthiempih ngai ahi.
4. Chate chu nungchangpha leh aluldan sinsak in, nungchang pha a neih theihna ding ua pawimawh diek haw chuh- Thutakna, mi zahna, mawhpuokna a neithe chunga ginum, midang haksate lungsietna leh ngaihkhawk dan, thuokhatna apawimawh dan, a sukhielte ngaidam thei dinga hindan, zie thu haw hi pate akipata chate'n a zil dinguh ahi.
5. Kizahtuohna chate hinkhuo a sukpun ding ahi.
 - (a) Kizahtuohna kampau mangthei dingin hilh in.
 - (b) Chate ngaihtuohna haw zahsak in. Chate thugen cheng bangmahlo a kawih mailoh ding ahi.
 - (c) Chate ngaihdan haw zah a, hetthiem apawimawh hi.
 - (d) Chate mi hihna leh amau hihna haw zahsak leh hetthiem apawimawh hi.

Chamna Aw

6. Chate chu thununna hawihtak piek apawimawh hi. Hindan, tawihdan leh ahun matdanteu, amau leh amau kithunun thei dinga puih leh panpih ding ahi.
7. Chate'n chitna leh thiemna a zilnau ah theihtawp in panpih in.
 - (a) A zilnau ahun hun in a hihpha nau em, hezui zing in.
 - (b) A zilnau thu ah panpih, in kithuohpih zing in.
 - (c) A lehkha zilna thuu ah, ni chengin holimpiah zing in.
8. Chate, lawi leh guolte In a hung haw lawpdan thiem in. Chate hi lawileguol bei a pha ahi puou a, a lawi leh guolteu, In a hung haw kihetlohsak chu chate lungthim natna lienpen khat ahi.

Chate, taksa leh thagau a panpih a, apawimawh uh pie thei dingin panthak la chiet hitiu.



SEVA BHARAT !!

ESC Executive Committee'n aphasak bangin Christian Missionary NGO te toh partnership a sepkhawm ding phasak ahi. SEVA BHARAT hih bang ahim tih vak sulang hitiu.

1. Headquarter, Hyderabad, Telanganna State
2. Target:
 - i) ginglote in - 15,000,000 chanchinpha hilh ding.
 - ii) Kum 2017-2018 sunga, Missionary asawldawk uh - 2500
 - iii) Tutor - 1000
 - iv) Project Manager/Facilitator 250
 - v) Gingthak 50,000 mat ding.
 - vi) House fellowship group - 5000 siemdawk ding.
 - vii) House Church worhsipping group - 500 siemdawk ding.
 - ix) Residential training Facilitator cheng in 3 months conduct ding.
 - x) Missionary tutor leh Facilitator cheng honorarium tawm chacha apiek ding uh.

Chamna Aw

Col.4:2). Mihiem khat chu a hinna dingin a hat angai a, zie guol chun, Kristien khat chu a hat zing na dingin a paucham apawimawh ahi. (Ephesi 1:18).

3. Pauchamna'n gah tampi atun hi: David in, "Na ho-In huongsung a ni khat um hile, ni sang khat mundanga um sangin apah zaw ngal a." (Sam 84:10). Zie chang ahin David in ni khat paucham hi mundanga ni sang khat nasep sanga aphatzawk dan a gen hi.

4. Pauchamna'n suoehchakna atun hi: Abraham pauchamna ziek in Lot leh a Inkuonte Lalpa Pathien in a hukbit ahi (Thil. 19:29). Lalpa Pathien in Mosi pauchamna ziekin a mite chunga thil phalo a tunsak guot chu a kinungzuk ta a (Pawtdawkna 32:11-14).

5. Pauchamna'n lunggil mit a hawnsak hi: Elisha suokpa'n, a mihiem mit in sepaih, sakawl leh kangtalai tamtak khawpi umkimvel chu a muh in a lau mah mah a (2 King 6:15-17). Chun, Elisha'n a melmateu (syria) lam sangin ei lama pang a tamzawk dan uh a suokpa kawm ah a gen a. Tichun, Elisha Pathien kawm ah a paucham phet in a tha a muong ta a. Sawlchak Paul ngei le Ephesi sapchuomte lungthim mit sukvaka aumna dingin a paucham ahi (Ephesi 1:18).

6. Lalpa Isu'n pauchamna a kawih masapen hi: Lalpa Isu'n zie khawvel a a nasepna ah pauchamna hi a ngai pawimawh mah mah hi. A sukdamna nasep leh adang a bawlna lak ah, a hun tamzaw pauchamna'n, a ningthip a, mipi laka pawt in, a mang ahi. A pa Pathien tawh kiho tuohna'n a mang hi (Luke 5:15, 16; 6:11-12). Zie guol chun, ei unle pauchamna hi apawimawh pen a I thilbawl chenga I kawih ding ahi.

"Ha lo a, ahin theihloh bangin, paucham lo Kristien aum thei puoi"

7. Pauchamna hi thupiek masapen ahi: "Buh at dinga mi sawl dingin loneipa kawm achun ngen un" (Matt. 9:38). Lalpa Pauchamna ei sinsak akhan, Lalpa Isu'n, Pathien gam leh diktatna I hawl apawimawh dan a gen hi. Sawlchak Paul inle apawimawh dan le a masapen ding ahihdan ana gen hi. "Khutichun, amasapen in thil net pauchamnae, pauchamna himhimte, kipauhamsaknate,

PAUCHAMNA APAWIMAWH TAKZET HI

By: Mr. Meshack

Truck khat nunga chun zie thumal hi a kizik a, “Paucham hi zawhna ahi” (Prayer is victory). In khat achun, zie thumal hi a kikhia, “Hinkhuo susie thei chu pauchamna ahi (In a life that could destroy, try prayer).

Khatvei, William Booth, Salvation Army phutdawkpa'n pauchampih ding lehkha, a missions apat in a m a, phetchun, tihin a gen ahi. Mitthi tui pum in ana paucham leu ei puoh die. Zie guol mah chun, Missionaries tamtak mitthi tui leh paucham puma mission nasepna ana bawl or pandawkte chun mi tamtakte hukdamna ding leh nasepna ding lampi ana bawl uh ahi. Ziekchun, tuhin le kei leh nangin pauchamna apawimawh dan I het hi apawimawh ahi.

Paucham hi banga?

Paucham chu I lunggil leh ngaihtuohna cheng cheng Lalpa lam a kawih a (Daniel 9:3/ Sam 25:1). Ahihloh leh Paucham chu Pathien tawh kihona ahi. I kipahnate kipahthu genna le

ahi. Chuleh, I lungkhamna leh haksatna I tutna ahi, I thil bawl dingte leh guot le I dawtna le ahi (Phil. 4:6,7).

Bangzieka pauchamna masa dinga?

Atangpi'n, Kristien chu paucham, hawl leh pauchamna lopi dan a het ding ahi. Mahleh Kristien tamtak in a masa'n I kawih sek puoi. Bangti a hihthei ding I him, Pathien thu apat in ana hitiu:

1. Thil deihum pen ahi: Luke 10:41, 42 achun, Mari'n Isu kengbul a chut a tel a, zie chu amah akipat a lakmang loh ding in, ana tel a.

2. Paucham hi thagau mi hat (breath) ahi: Bible I sim chun, hailo in paucham in (I Thess.5:17;

THAGAU THIENGTHO PUITU LOPI PEN

*Union Thang Gangte
Lailak, Mizoram*

Thagau hing I hih ngal u chun, thagau in I hinnau a thunun ding ahi ngala. Chapo takin um puoi ting un, kisulungna tuoh ahim, kiguol eng lak tuoh ahim inle um diek puoi tiu.

Pathien lungsetna zal in I gam uh ahin Thagau Thiengtho a halhna I na chang zel ua. Khanglaite lak ah le, I Synod sung ale mun chuom (state) chuom chuom ale Missionary te sawlin, mun leh muol te nei in pan I la zel ua, Thagau Thiengtho puihna zala halhna I chan zel uh hin a, tih loh guol ahi puoi. Synod biel sung muoltin, tangtin tuomlo mah leh akhat tawkin lalgam a nasepna ah, Sapchuom tin kilungguol takin I sem zel thei ua, kipah um tak ahi. Zehi le Pathien lungsetna nasep lopi Synod Sapchuom in I chan uh ahi. Lalpa chuh pahchak in um hen.

Khutichun, Thagau Thiengtho in ei puih guot dan hi het guo a Bible a pat I zil nasat u vang a pawimawh hi. Puitu lopi ahih dan zie bang hin vak zil leu hing:

1. Thagau Thiengtho chuh Lal Isu, Puitu ahi. Pathien chapa ngeile Hukdamna nasem dinga I mihiem hinnau ei hung kikawppih laikhan abul apat a atawp tieng in Thagau Thiengtho in apuih ahi. a nu Mari chuh Thagau Thiengtho in a gaihsak a (Matthew 1:18). Baptisma achan khan Thagau Thiengtho a luchung ah chun, Thagau Thiengtho in a dim ngal ahi. Thagau Thiengtho puih in gamthip akhan Diabol thepin ni 40 leh zan 40 an a ngawl hi (Matthew 4:1, Luke 4:11).

Lal Isu'n a sinsak sawmlenih (12) te Thagau Thiengtho puih in a til a. Pa Pathien pawmtak leh mihiemte thiengtho ahih theihna ding khawpa Kross akipiekna kha Krista, kumsawta a Thagau zala melhemlo a Pathien kawma kithawihna thisan chun, Pathien hing zenviel dingin, na sielepha hetnau chuh thilhiih

Chamna Aw

thieng te lak achun, ahah hih thienna mai zen ding e! (Heb 9:14). Van a, Vansawlchakte leh pathien thilsiem dang-thing le mau, ganhingte hin Thagau Thiengho puihna a pawimawh u leh achan thu het ahi puoh a, mihiem hinna hin Thagau Thiengho puihna a mamawh diek hin a.

Lal Isu, (mihiem chapa) ngei inle Thagau Thiengho panpihna loh in bangmah a hih diek puoi. Aw! gingtu, nang kuon ahun pui sek em?

2. Thagau Thiengho chuh Sapchuomte puitu ahi?

(a) Thagau Thiengho chuh Sapchuom kivaihawmna leh committee puitu ahi. Nasepte 15:28 ah “Thagau Thiengho leh kei un” ti ngam khawpin Jerusalem Sapchuom te vaihawmna, Thagau puih in vai a hawm ui. I sapchuom uh committee na haw leh vaihawmna haw ahin “Thagau Thiengho leh kei un” ti ngam kawpa memberte’n Thagau puihna I chan uh a pawimawh takzet hi. Lunggel thiengho, ngaihtuohna hisel, deihsak bik neilo leh John Knox te haw guola pathien chauh lo chuh kuomah laulo hih le angai thei hi. Sapchuom kivaihawmna,

thupukna chuh, “Thagau Thiengho (Pathien) deih dan ahi” tia zui dinga thu awihna Pathien lauhna hinkhuo neih thil kûl ahi.

(b) Thagau Thiengho chuh Sapchuom sung kitelna puitu ahi: Pastor te hi Thagau Thiengho in (Pathien Sapchuom te, amah thisan a, atat te chawm dinga) a chung ua hotu (Pastor ah) a hun siem nahiuh tih (Nasepte 20:28 I mau a Pastor te hi Sapchuomte chawm dinga Thagau Thiengho in Sapchuom te manga A guot ahi. Chun, Sapchuom te adinga Pathien thil thawn piek ahi. “Thagau leh chitna a dim mi, minpha ngen I tel un (Nasepte 6:3) ten sinsakte khan sapchuomte kawm ah a Upa ding uh a telsak ui. Sapchuom kivaihawmna ah Pastor te panpihnu ahiu.

Sapchuom kiguon khawlna leh kivaihawmna hi, Thagau Thiengho mapuihna nuoi a pui dingin Bible in ei hilh a, kuote hih dan ahim, sawlkal tih dan ahim, company haw hih dan haw khel khel khat sapchuomte ei puitu pen hi dah henla. Missionary haw hi “thagau Theingho in Barnaba leh Saul te nih kha amau nih hi kaguot lawh, supiting dingin ei kawih

Chamna Aw

Israelte ava salmat ukhah. Sargon hin 705 BC chan in apuo a amah hile thah in a um kit a, 705 a pat achapa **Sennacherib** in apuo a 681 BC chan in.

Zie a 5:18 – 20 sunga I vak gennawp pen chuh, Israel chate’n Pathien thu hethiem lo a Sal a alut na thuu hi ahi. Pathien thu ahekhiel ua, ahethiem puou a, akinung zuksan ua, Zawlnei te thugen le a hedawk zo puou a, Pathien thu hih nasatak mai in akilak khielh ui. Pathien akinung zuksan tak ziek ukhan Pathien deihlohlam ngen in a chawn tau hi.

Thukhakna:

Tuni hin Pathien thu hethiem lo leh he khiela ahilo lam ngena hinkhuo mang a, ahilo lam ngen a nek hawl hih mi tamtak a umtai. Mahni masielna atama, kineksietna, kigawlhgukna atam tai. Helo hiel kihetsak atam tai. Ei sanga thiemzaw ngen laka ahe pen a kigen hi thil zahchak um ahi. Thil zahchak um chauh le hipuon tin Assyria te guola Sal a lut theihna le ahi. Ei sanga

hezaw, ei sanga pha zaw um ahi tih le het di’n aphi. Thagaumi lo hiel kithagau misakna gam ahi tai. Thagau mi chuh akithagau misak chuom angai puoi. A nungchang a tawih zie a pat mi’n ahe mai ui. Kei ka hat hi, ken ka hezawi ti a pan tuntun angai puoi. Bang gen lengun le Pathien in I hihnau ahe a I chunga tung ding chu tung thotho ding ahi. “Sakeibaknei laua taimang a, savawm kituokpih mi bang leh, in a lut a bang chunga khut nga a, gul in a chuk bang chuh ahi,” (v19). Zie chang hin agen pen chuh: Ahihlohma lam ah hah lut in lut guo lele, ahihna ding ah ahi tho tho hi. Sakeibaknei lau in taitai mahleh Gul chuk atuok thotho hi. A helo hiel kihetsak leh ahilo hiel kihetsak haw hi ahihlohma gah uh amuh thotho dinguh ahi. Zie ziek a chuh I Bible in, “Nangmah hetna mai a chun kinga ki’n,” (Prov. 3; 5) ei ti’i. Israel chate guola hi I pan khielhlohma dingun eisanga Pathian a hatzaw/a hezaw te a kingak dan thiem leng un tih hi I kideihsak uh ahi.

Chamna Aw

793/92 BC tuom vel hiding ahi. Ziezieka chuh Amos hih Salta'n ma a Zawlnei kiti haw lak ah atel hi. Zie hun lai hi Israel gam akhantoh laitak, akibutit laitak uh, vaihawmna haw le achieh hawih laitak ahi. Akhutih zing lai hin, duhamna leh mahni masielna'n no ahunnei pan ta a, Kineksietna, diktatlohma, kiiithiktuohna leh kidehsakloh tuohna ahung hat hiei hiei a, kiekniem lam ahun manawh pan tau ui. Tawbanga huih nun hawihloh laitak a hi Amos hin Pathien na gin um taka asep ahi. Amin umzie hih ana dik mahmah dingdan ahi. Israel chate ahung suol takbek phat un a Pathien uchuh Israelte chungah athasie mahmah maitai (5:1).

Amos lehkhabu a agen thupi pen khat chuh, "Lalpa Ni," kiti hi ahi. Israel chate haw khah atangpi a asie lam ngen a achieh tak ziek ukhan, amasang ua Pathien lungnatna hungtung ding haw chuh, Zawlnei (Pathienthu hete) khan a heua, a mulawk mahmah sek ui. Ziezieka chuh Amos hin, "Lalpa Ni utchate haw, na chung uh a gik hi," atih ahi. Amos in, "Lalpa Ni,"

hungtung ding ahi, atihleh Israel chate haw khan, amaua dingin Pathien in thilthupi tak kipah um mahmah hun bawl in tin, a buoina teu haw hun suk navak sak in tin tia agel ziek un, a kipak ua angaklah mahmah ui. Ahih ziek Zawlnei thugen, "Lalpa Ni," kiti hi Israel chate'n ahet khielh ziek un Amos hin, "Bang ati a, LALPA ni utcha? Vak hilo in thim ahizaw ngala." atihnsak hi. Zie a Amos in, "Lalpa Ni," atih pen hih Israelte chunga Assyria te hung tawih dan ding khah ahi. Atihguol ngei in Assyria te khan Israelte khah 722 BC vel khan ava sim ua. Bible thiem khenkhat in ava salmat teu hi mi 27,290 vel ahi ti a record bawl bangle a um ui. Zie hunlai hin Assyria Lengte hih akitheng mun thim ten ui. 728 BC'n **Tiglath-Pileser** ahi a, a kumkit 727 in **Shalmaneser** ahikit a 722 bul lam huntieng chan in. Israelte khawpi Samaria luh dinga akisakzing lai un thah in ahung um hi. Zie kum sung mahmah hin **Sargon** kiti pa hin Lalchutphah ahun luoh ta a, amah Lal sung hi ahi Assyria te'n

Chamna Aw

chuom sak un." (Nasepte 13:2) tin Missionary a sawl dingin Sapchuomte a pui hi.

Zie lampi haw chauh lo ahin le Thagau Thiengtho in thawkna lampi ale ei pui sek hi. Lal Isu kha Thagau in thawkna lampi tincheng ah a pui a. Zie guol chun Paul leh a lawite khale Makedonia gam a sapna he a, Europe gam Philippi khuoa a chieh u khan ana man ua, avan teu a sut sak ua. Ana zep diek ua, suongkul ah ana khum lawh ui. (NSP 16:22-24) Apawimawh

namun zel ah Thagau Thiengtho in amite apui zel sek hi. Zui ngamlo chun akilep san a, zui ngam chun thih chan in a zui zel sek ui. I ngaihtuoh nau, I deih dan, nuom tawka I ngaih dan u hin ei pui dah henla; Thagau Thiengtho tih dan hih I hinnau ahin thunei tu pen hi zaw taken.

Khutichun, "Suok pha leh ginum, na hihpha ie." Hung inla hung kichawl dam inla, ti a ana welcome na tawh Khawpi Thiengtho chuh lut un au.

KUMSAWT A UM ZING DING PATHIEN THU CHUH

Kum 2017 adingin kum bul I pan kit tau a, Sunday School bul le I pan kit tau a. Sunday School I patnau le kum 100 (zakhat) lam hiel ana chieh man ta zel. Sunday School ahim, zik leh sim ana hah bawl ua, Bible simtheihna tieng bek in Pathien thu zilna ban ah zik leh sim ana hah zil ui. Tichun, hun chieh zelin solfa zilna dingte haw ale hun mang zel in, tuni

tiengin chuh Pathien thu Bible sung thu zil gunna deuh in I na mang thei tai. Mithiem khenkhat te hawle ahung gidawk pan ta a. Kisinsakna mumal tih umzie chuh, "Min Pathien thu agen chun, thugentu chun Pathien thu bangin gen hen." Tih zik ahih guolin, sinsaktu'n le Pathien thu dungzui a sinsak angai a, hehpihna tel a sinsakna, deihsakna tela sinsakna

Chamna Aw

ahih ding ahi.

Zieziekchun, tuni hin Pathien thu thum zie te, alul ziete, apawimawh ziete, zil amamawh zie te hethak in, Sunday School hi chawisang in, ngailul thak in. Sapchuom member I hih nak u chun Sunday School kai chiet ta dingin I ki ngen uh ahi. “Hung kai un apha ie! I gam ah zungtha henla, zengei hi a lul ngal a, I nam hun chawisang in a. Khutichu ahih chun, sinsaktu ding chuh kuo ahi die? A dinmun chuh apawimawh in fimkhur angai namai zen ding e. Kum tawp leh a result hung kitak sekin tin, na sinsakna gah hun tak dawk ngei un au. Ziechuh, na ngaihven sek na? Zelei sapchuom ale a result muh theih a hung lang um in a. Na hihpha na? zie achu na hih phat nak chun, ze sang sang a, thupi nasepna chuh gen dan dang Gangte pauin aum puoi. “A lopi” ahi mai hi.

Zie khawvela beimang pai ding bawn na ngaiha lopi leh deih um ahih chun, kumsawt ading chuh bang nati ngaih die!! Mi cheng cheng hampa guol ahiu a, a lopina hawu le hampa pak bang chauh ahi. Hampa chuh avuoi a, apak apulh a, Lalpa thu vang

kumsawta um zing ding ahi (1 Peter 1:24,25). I Sunday School uhi ngailul in, tih mak mawhin gel chiet hitiu aw? Khawvel ahin thil ahung um a, abei kit pai hi. Thilsiem laka lopi pen mihiem hile ahung pienga, vanglai nite mangzo in ahung upa tau a, ahung tuoia, atawpin thih ahung hi sek hi. “Thil ahung um a abei kit zel. Mihing te abei, kum haw hile, A hehpihna vang angei ngei, kumsawta danglam ngeilo.”

Zeguol chun thil dang haw hile kum sawt daih ding aum puoi. Zie khawvel ngei hile bangtik ahim leh bei mang ina. “Lei leh Van mangin tin, ka thu vang mang puon a (Matthai 24:35). “amah thu gingin, A thutiem dettak chuh, Krista ah ‘Amen’ ahi tai. Zelei hi bei mah leh bei mang ding guol ahi puoi. Zechuh Bible ah achuong hi.” Pathien thu zil hitiu.

Hebrai ziktun “Isu Krista chuh, thangni’n le, tuni’n le, kum khawtuong in angei in angei zing,” Heb. 13:8 ati. Amah ngei chuh “Thu” taksa a hung pieng chuh ahi.

Kumzabi tam tak a chieh ta a, Pathien thu chauh, adinna

Chamna Aw

leh mithupilo te cha ti a kikhen le ei diek puoi. A thu zik uh a chawm leh asauh a kikhen zieng ahi. Zawlnei Lien 5 (nga) Isai, Jeremiah, Sunna La, Ezekiel, leh Daniel, ahiu a, adang 12 te hih Zawlnei Neu tih ahiu ui. Amos hih Zawlnei Neu laka simtel ahi. Zie 12 haw hih Hebrai Bible a chun bu khat in agawmkhawm ua, abu min ding in, “Sawmlenih te” atih zieng ui. A chawmtheih bek zieka agawpkhawm zieng uh ahi. A bawn ua akigawp ulele Isai ahim Jeremiah ahim sangin le achawm zaw nalai hi. “Chun, Sunna La,” hih asaulo ten na a, Zawlnei Lien laka ateltheihna hih aziktu Jeremiah ahizieka telsak ahi. Telsak ahizchauhle hilo in Jeremiah bantaka kawih ahinalai hi.

Zawlnei te haw hi khendan chuom chuoma khen in le ana um sek ui. Etsakna’n: Sal ta’n ma a Zawlnei, Sal ta’n laia Zawlnei, leh Sal ta’n zawh a Zawlnei, tih bangin akikhen hi. Salta’n akith phatphat leh 586-7 BC vela Juda te Babulon suoka alut ukha genna ahichawk sek hi.

Tekoa: hi tulai a Israel gam Khirbet kitihna mun Jerusalema

pata mail 10 vela gamla a um ahi. Bethlehem in anaih zawi, Bethlehem a dinga sim lampang ahi a mail 6 vel chauha gamla ahi. Tekoa, tih hi mihiem min le umtho ahi. Amos hunlai hin zie gam hih nek acheng mahmah a, gam hing depdup gam ahi atiu ui. Zie gam hing depdup hi enlah a Amos inle Gan avak hi’na. Scholar khenkhat te genda vangin Gan chauh avak puoi, Huon thai le hawih taktak anei hi atiu ui. Theipi kung enkawla pang (7:14) ahiziekin huonthai dang dang le nei mahmah ding ahi.

Amos: Bung 1: 1 na ah Amos hih khuo khat, “Tekoa” kitihna mun a cheng, Gan ching a kivak ahi, ti’n agen hi. Amin umzie chuh, “Puokgik puo,” tih ahi. Amah hih miching/mithiem le ahitaluo puoi. A chunga I gen guol in Gan ching mi (mitaima) ahi. Pathien in a Gan chinna mun a asap ahi. Chun, amah hih Juda gama cheng ahi a hilele Pathien in Israel gama Zawlnei dinga asap ahi (7: 15). Amos hunlai hin Juda te Leng chuh Uzziah (Azariah le kitisek) ahi a, Israel te Leng chuh Jeroboam II ahi, (1:1)

Chamna Aw

mihiemte pilna dungzui a kap (inject) ding ahi, ahinlah, Aadhar vang hih chips tello leh Inject loh a hih ziekin No. 666 ahi atih theih puoi.

2. Bible in agendan taka number 666 khu Rapture (Lalpa neite laktouh) ni zawha kipan ding chauh ahi, hinlah Aadhar card hi tua hi kimang pan a hitan, number 666 ahi atih theih puoi.

3. Bible a No. 666 hi, micheng (ahingnuom nalaite) chengin akineih ding uh ahi a, hinlah Aadhar vang hih India te chauh in aneih uh ahih ziekin No. 666 ahi atih theih puoi.

4. Aadhar hi India mipite kisimna dingga Govt dan thak ahi a, hinlah number 666 hi kisim nadinga amat theih loh ziekin No. 666 ahi atih theihpuoi.

5. Numbar 666 hi Rapture zawh leh Isu nei leh neilote, akisik theihna ding ua chance khat piek ahiu a, zie chu a neihloh uleh, chawtheilo ding, zuoktheilo ding, a neih uleh Krista reject tihna hun lauhthawng umtak ahih ziekin, tunia Aadhar neihloh ziekin, a kichaw mawh puo a, a kizuok mawh diekloh ziekin No. 666 ahi atih theih puoi.



BIBLE STUDY

CHANGTEL: AMOS 5: 18 – 20

*Rev. T. Kamgin
Registrar ECT*

Thumapui:

Amos hih zawlnei ahi. Thuthunlui hun in Zawlnei tih a min vawh theih tamtak a um ui. Hilele, Bible ahin tamlo cha I nei ui, aziek chuh: Zawlnei lehkha ziklo atam ua, lehkha zikte chauh I Bible ahin chuonsak in a um hi. I Bible a zawlnei lehkhabu 17

(Isai – Malaki) kigen haw hih atangpi'n mun nih a khen a hi. "Zawlnei Neu," leh "Zawlnei Lien," tih a khen in aum hi. Zawlnei Lien leh Zawlnei Neu a akikhen naziek hi athuzik uh athupi leh thupiloh ahim, athu hih agildeuh in or adadeuh in tih ahi puo a, mi thupi te cha

Chamna Aw

ngei a ding zing chuh. Sepaih hatnan Lalgam ahung ding sek a, asie zela, hetngilh ahi sek ua. Pathien thu vang puksien bei mangin hetngilh hi hiel puon tin. "Athiem dungzuui a, ami Israel te chawlhma petu Lalpa chuh pahchak in um hen. A sawlchak Mosi manga a thutiem le khat chale athawn puoh ngal a." (1 Lengte 8:55,56).

Lei a mi lopi te haw lallukhuk khuksak in aum, mahleh paihthak sak ahi sek ui. Pathien thu vang kum-khuo a um ding ahi. Paihthak guo taphawt, paihthak in aum zazu hi. Lalpa chuh pahchak in um hen. Mihiem in Pathien aumpuoi tin gen sek mah leu, Pathien thu chun thutak leh dik agen dawk zing ngala. Pathien thu (Bible) chung changa milopi khen khat te thugen.

"Bible in lehkhabu dangin ei piek theihloh kipahna ei piei. Gimtheihna ei zawhsak a. Lauhna mun ah thamunonna ei pie a, thihsna lui pal galkai din ei hilh, ka damsung a hetvek ka guot ahi." - Dr. Billy Graham

"Bible hi dawtna siem theihloh

khawp a thuk, khawvel micheng in aginchak guol theih pen, thudik danglam ngeilo chuh ahi." - Dr. Robert A Millikan

"Lal Isu apat a thilpha a I chanteu haw cheng hi, Bible manga I neih theih uh ahi. Bible hi Pathien in mihieme kienga athilpiek lopi pen ahi." - Abraham Lincoln

"Bangti tiengin miten gingchalo mahleh, a umna ngei ah aum zinga. Bangti tienga galvan matchak phan, susie dikdek mahleh Pathien thu chuh sukmangthai guol ahi puoi. Meipi a haltum zieng himahlleh a thil hihtheihna sutvawm khat le bei puon a. Kumsawt a um zing ding Pathien thu chuh ahi."

Aphatzie leh a thumzie hepha dingin Pathien thu zil tai tiu. Sunday School ngailul in, Pathien thutak kumsawt aum zing ding chuh zil di'n I kichel thak kit ui. I lampiu ading a vak leh puitu um sun ahi.

"Lei leh Ván mang intin, ka thu vang mang puon a. Lalpa'n ati. Simtute a dingin Lalpa'n ei malsawm sak hen, Amen.

*-Upa Dr. L.S. Gangte*

NU LEH PA CHUNGA CHAPATE MAWHPUOKNA

Tu khang ahin chapaten a nu leh a pa lungsietna hi a neihloh thu hi mun tamtaka gen leh holimna ahi taa, akhawk ngei.

CHAPATE HET NGEI NGEI

DING A PHA CHU:

1. Nu leh Pa ten thil dang cheng sang a chate lungsiet leh it a hiu hi tih het angai hi.
2. Nute vang vang in chate agimpiah dan u chu sul a I hung kisiem u a pat mi hetloh a ei buoipih pat uh ahi tai.
3. Ei hung vawp ua pat aduh angaih uh chan leh ngawlha a hung ngaia, nau sietlohnha dingin.
4. A duh uh ahung kisanga, achunguh ahung gika, athau a hung chaua, an duhlohnha ahun nei ua, guol lakah ata zo puou a, lungchawm bang a nei ua, zie haw hi a sung ua um

chate ziekvek ahi.

5. Mihing bukim I hung hihloh ding uh lauhna ziekin theihtawpin ei diem ua, thakham ngui ngui in sun leh zan in tha 9 (kuo) hiel gim athuok ua, semlo bawllo theilo ahihziekun lahsa san a tawi ham ham ua.
6. I hung pien tieng uleh natna, haksatna gentheih loh thuokin thisan tamtak a hun seng nalai ua, I hung pienthak leh I mai uh a en ua, kipahna leh lungkhamnan a dim ui. I pieng ua, I mel uh amuh u leh akipak ua, maleh I misuokloh khak ding uh lauin a lungkham zelsek ui. Mite kawma a gendawk loh uh tam tak anei ui.

NUMBER 666 LEH AADHAR CARD

By: Lalminlun Aric Gangte.

Tulai I gamsung, suling mahmah leh nichenga hetkielh zieka thihna khuka ei pui lut thei, mipite buoina mahmah number 666 leh Aadhar card chungchang neukhat ana gen khawm hitiu.

Khawvel khantouhna dungzui in I gamsung (India) gamsung ngei a le tuhin theihtawp ahun suoh ua, kihehpihna leh kilungsietna I Bible in ana gen guola adaih deuhdeuh na ding, India in policy hawihtak mai khat ahun puodawk a, zie chuh India mi ka hi ngei nai tih hettheihna dingin, “Aadhar card” ahun siemdawk tau a, zie Aadhar deihlohte gawtna dinga hehpih Johan kawma zik dinga ana gen ahi. Zie No. 666 hih Mithiengte laktouh a aum zawh nung uleh Lalpa Isu ana deihlote gawtna dinga guotsak a hia, zie gawtna dinga chuh Lal Isu’n amah mitelte thuokgim ding chuh a phalloh ding ziekun zie Aadhar card hih No. 666 ahi tia pawmtheih ahi puoi.

Zie Numbar hih mithiengte laktoh (Rapture) a aum zawh tiengleh hung kipan chauh ding ahi. Zie hin a etsak chu ahih leh, hun haksa huna matbeh ding, gawtna chauh hilo a, Lal Isu nawlh te haw dinga gawtna behlap hiding ahi. Aziekchuh, ziehi neilo ten a zuok ua, a chawk theihloh ding uh ahi.

Bible a No.666 leh Aadhar!

1. Bible a No. 666 kigen hi mihiem tisa chungngei, chalpâng or changlam khut a chips manga

Chamna Aw

- ua, na that ua, a thau na neu a, khutisa chun le phatak in na enkawl puou hi (Ezk. 34:3).
3. A damlo, ahim leh a zawngkhalte dukledak in na enkawl puou hi. A zawngkhalte na enkawl puou a, a damlo haw le na khawi puou a, alien haw la na tuom diek puou hi (Ezk. 34:4).
 4. Hukdam lohte chanchinpha'n a viltha puou a, nung tawlhte le a tung ding kit diek puou hi (Ezk. 34:4).
 5. Mipite a dingin avin ua, lungsietna leh khawtuohna a nei puou hi. Nunsie tak leh khauhtak in a vahawm khum ui.
 6. Belamhaw chuh avakzak tak ziekun, dem a kai ui. Belampu a umloh ziekun, Belam haw a vakzak zo tau hi (Ezk. 34:5). Belampu'n a belamte a etkawl phatloh mipite chun thagau lama thuok in, pawlam ah a
 - vakzak san mai sek ui.
 7. Belamte chunga thiltung dungzui in, Pathien in belampute chunga vahawm ding ahi. Belam hawn dinmun chuh belampute mawhpuokna lieu lieu a kinga ahi. Aw Belampute haw Lalpa thu hi ana ngaithau in, "Belampute chuh ka do a, ka belamte ziekun a chung u ah vahawm ding ka hi (Ezk. 34:9-13).
- Tuhin..... Israel Belampute dimmun lim-et banga nei in, tulai a Pathien Belampu sawnta dimmun tawh enkal zel in, a chunga thupite haw hi paucham kawma kingaihuohna a nei a, panlathak thei dingin Belampulien Lalpa Isu min a nget leh chiel I hiu ui. Aban chuh.... nang a kinga ahi. Lalpa'n na lungthim ah aw ngatcha'n thu a gen ngal a. "Lei ahung linga.... mei ahung pawt a, himahleh, mei achun le Lalpa chuh a um diek puoh a, mei zawh chun aw ngatcha hi ahung pawt a (I Lengte 19:12).

Chamna Aw

7. Thu dang cheng sangin a chateu chungah lungthim a seng ui. I nat ding, I gilkiel ding, dap I sak ding, sa I sak ding tih haw hi a lunggel uh thupipen ahi.
 8. Gilkiel leh dangchaka I um diu a thuokzo puoua, ei nekloh sangin amau nekloh khawk asa zaw puoua, ei ziekin gimtheih haksa tamtak a thuok zing ui. I hetmaua ei gimpahnau hi muhtheiha video a lak theih hileh, nu leh pa te lungsietlo I um diu ginchak a um puoi.
 9. Mahleh chapate I hung piting ua, zi leh cha I hun nei ua zie tieng chuleh I ziteu thu mai I zui ua, zipha I neih uleh apha a, hilele zi cheng hi apha khel puoua, tieng chuleh I nu I pate thasie takin ahung um tau hi. Mi tamtakin amote hi I awimawh sek ua, rnahleh amawh chu chapate I hiu hi. Mo chu michuom insunga hung lut ahiua, apienna loh nu leh pa chu mo phalo chun lungsietlo thei ahiu hi. Ahin, apasal in a pienna nu leh pa lungsiet ten leh azin le lungsietlo thei puona. Nu leh pa thasiet sak hi pasal rnanloh ziek ahi pen hi. Pasal in anu leh apa alungsietta azin alungsiet theihloh leh a In lamah chieh kit mai leh khawlai mite gen ding leh insung buoina ding a hih sangin, mo phalo chu amah nu leh pa leh a iñkuote dinga minsietna ahi.
- Atawpna ah, tuhgah lo ding chiet I hiua thilpha tuh in thilpha lo intin thilsie tuh in gah sielo ding ahi. (Galatia 6:7, Job 4:8). Nute, Pate lungsiet hi Pathien thu zuihna ahi.
- Nu leh Pa lungsiet lo Pathien thu-awi aum thei puoi. Nute Pate lungsietlo chungah Pathien in phuba ala nuom sek hi. Chingthei hitiu.

PATE NI (FATHER'S DAY)

1. Ahung kimat pat dan:

“Pate Ni” a na mat masak na pen u chuh USA Washington a The Spoken Ministerial Association ten 1909/1910 in a na mang pan ui. Mrs. John Bruce Dodd kiti hin Nu ni (Mothers’ Day) a thu kigen, angaihthakna a kipat Pa lul zie leh a pawimawh zie ahun muhdawk a kipatin, Pate Ni hile kimang leh phana tih angaihtuoh a, zie apat achuh hung kipan ahi. Pate Ni kiti hih mun tamtak achun June tha a Pathienni thumna (3rd Sunday) hih a mang sek ui. Zie thu hih, hun bangchan ahim chuh kuoma’n a he taluo puou a, ahi’n mun khenkhat achun Pate zahna etsakna’n pakcha Rose pak San leh a Vam tih haw leh Thingnah Hing (green leaf) haw a kichei in ana mang sek ui.

Mrs. John Bruce Dodd hih neucha ahih lai in a Nu’n a thihsan a, apa William Smart chun amau haw unau gup ahun enkawl a, ahung piting tau hi. Apa hih America Civil War ale nasa tak a ana pang ahi. Zieziek chun Mrs. Dodd chun apa, nasep taima, miphah tak leh kuhkal leh kitup, chate lungsiet thiem tak Pa ahi tih a muchien mah mah hi. Anu thi ta mahleh, apa chun amau unau gup chuh lungsietna nei leh hehpih tak mai in a enkawl a, Insung nuom takin a um ui. Khutichun, a chate chun apau zah leh limbawlna ding chun pan nasa takin ahun la tau hi. Khutichun Spoken Church a

Pastorte kawm achun ana gen u a, June tha a Pathienni thumna chuh “Fathers Day” ti’n special takin ahun mang pan tau hi. Zie a kipat chun America gamsung a Sapchuom dang dang tenle zie ni chuh ahun mang sau sau tau hi. Hun a hung chieh zela, khawvel pumpi a Sapchuom te’n le ahun mang pan tau hi.

Zie ni a Chanchin Pha genna ahih Pastor/Minister te chun Inkuon ading Bible piekna (Present) hun lemchang ahi a, Bible ahin Pate dinmun bangti’n ana gen em tih haw muhdawkna dinga, Bible sim dinga tilkhounha hun ahi sek hi. Pate chona (Challenge) hun, Pate chun hih dan vantanga

BELAMPU MAWHPUOK



By: Rev. L. Sata

Belampuchuh a belamhawn cheng cheng chunga mawhpuo ahi. Thiemgau Zakaria chun belampu a hihna a, ginumloite chunga Pathien lungnatna thu a gen hi. “Belampute chung ah ka lungnatna a sosang ta a, amau chuh gawt ding ka hi, Lalpa bangkim hihthei chun a belamte chuh a enkawl ta a (Zek. 10:3). Pathien chuh Belampu chungnungpen leh thuneipen ahi a, nang chuh a nuoia Pathien Belampu sawn na hi. “Belampu manlohte chung chuh agik hi, a belamte taihsan haw chuh (Zak. 11:17). Mivantangte taihsietna seka chuh belampu chuh a taihsiet loh dinguh ahi. Lawngpu chuh Lawng chunga a mipuokte lauhthawnna tuok mi khat aum lai chan a um thip mai ding ahi puoi. Mite lauhthawnna mun ah thiding hilele Police chuh a kigelhmang mai ding ahi puoi. Midangte venna zieka thihna le tuok ngam ding khawpa

mawhpuokna nei ahiu hi. Thil lauhum ahungtun tienglele belampuchun a belamte a taihsan ziengloh ding ahi. Belampu lien Isu khah Getsemani huona amah man dingte a hungtun ukhan, a nungzuite sawlmang vek in, amah ngawn in ana lamtuoh ahi kha (Joh. 18:4-8).

BELAMPU GINUMLOTE CHUH!

1. A Belamteu sangin amau a ki-enkawl zawu hi. Amau lunglutna lam leh a Insung uh phatzawkna lam chauh a ngaikhawk zawu hi. Amau makhuo mai buoipih belampute chung chuh agik hi (Ezk. 34:2)
2. A belamteu apat in a kivakna dinguh a lakhawm ua, ahih ziekin, zie haw gun nasan chunle a belamteu a kithuohpih puou hi. Na belamteu nawitui in na kivak ua, a mul in na kivan

Chamna Aw

takin ahung taidawk a, England ahungtun kit in, sepaih hangsan tak guol in ana muok ui. Zie kum mah chun, Election a ding kit a, vote tawmchah in a kai khawng khawng hi. Kum 1940 a Churchill Prime Minister ahung hih phet in, Kidopi nihna (2nd World War) ahung tungkit hi. Great Britain chuh dinmun lauhthawng um taka a um lai in, Great Britain gal a zawhpih hi. Kum 1941 kum in a neulai a a lehkha simna School ava tawh a, tak achun, thupitak in ana vaidawn ua, zie a a thugen chuh, "Beidawng ki'n" tih chauh ahi ti'n a kigen hi. Hinla, zie sanga sau deuh chuh ahi nai a gen chu, hiti hin- Zie hi zillai chuh ahi, lungkham ki'n, beidawng ki'n. Beidawng him him ki'n, bang tawbang hilele beidawng ki'n, lien henla, thil neu them hilele beidawng diek ki'n, thilpha leh deihum do di'n panla kinla, thagum in kihumbit guo kinla, melmate muh in taisie him him ki'n. Beidawng mawng mawng ki'n, ti'n a gen hi.

Churchill in 1941 a a School kaihna chapangte a tilkhoh bangin, beidawng him him ki'n tih mangin nang le ka hun tilkhouh ahi. Beidawng lo a, haksatna thuok a, pang tuntunte Pathien in a panpih nuom hi. Bible in, "Na umdan ding chuh Lalpa chung ah nga'n la, amah chuh muong inla, aman hih vek in a," ti'n ei hilh uh ahi. I lawhtit lai inle, I lawhsam hun inle, Lalpa muong a, amah a kingak zel dan sin dingin Lalpa'n ei deih ahi (Ps. 37:5).

Nungak tangval gamla leh naia lehkhasimte Pathien zala lawhtitna change leh bang him ziek khata ana lawhsamte le theihkham khama I kitilkhouhna teu hi Lalpa'n vangsak henla, chuleh sumlepai a tasam le hisamlo, lehkha sim thatdah zieka nulepa gaih tuok I na um hiel tak ulele, kipanthak hiting un, Pathien tawh pankhawm dan zil zel hitiu. Pathien in mi thupi tak khat hidi'n ei deih ahi. Simtute cheng cheng Pathien in ei vangsak chiet tau hen. Amen.

Chamna Aw

Insung mawhpuokna, Nu chunga ngatha mailo a, Thagau lama puitu (Spiritual Leadership) hihna nei ahih a kihetdawkn a dinga chona leh chielna hun lemchang ahi.

Zieni a thugenna a phachuom pen khat chuh "Mi khat chanchin" (Biographical Sermon) manga thugen ahi. Bangzieka Pa khat chuh lawhsam a, bangzieka Pa dang lawhting ahim tih Pastor chun a suklat ding ahi. Sapchuom a pate chuh changtak ahim velkuol deuh (direct or indirect) a kigente chuh hethiem ding leh thuokhat ding in a siem thei ahi.

2. Kikhawpna hun matdan bik khenkhat:

(1) Pastor chun zieni chuh kipak kawm taka matding ahi.

(2) Matchak ding tampi um lakah zie ni chu tawh kituok pen ding chuh Bible chang atel ding ahi.

(3) Nu leh pate'n naupangte hinkhuo siemna, Bible a etsakna hawihtak tak etsakna a matding ahi.

(4) Pastor chun Bible apat a etsakna khel ah amah chanchin leh a thiltuok a hah

mat takluot loh ding ahi.

(5) Thugen chun a ngaihnawp um ding mai ngaihtuoh loh ding.

(6) Na gen guot chuh gen zieng inla, a taka sepawk na guot ding ahi.

(7) Na thugen chun micho (challenge) ding takin gen inla thutanna siem bat zieng loh ding ahi.

3. Bible chang matchak ding khen khat:

(1) Gen. 18 : 9.. Pathien in Pa pha a etdan.

(2) Deut. 6: 4 - 9 ... Pate nasep ding (duty)

(3) I Sam. 2:12 - 34 ... Pa, thil sukielh, Eli.

(4) Job 1: 5 ... Pate lunggel, lungput.

(5) Prov. 1: 8, 9 ... Suongmantam leh Lallukhuk.

(6) Luke 1: 5 ... In diktak (True home)

(7) Ephesi 4: 12 .. Inkuon kituok taka chenkhawm thiemna.

(8) Kolossa 4:15 ... Inkuon sunga Kristienna.

GANGTE MISSIONARY FELLOWSHIP KHAWMPI A 2 VEINA REPORTNA CHAWMKIM

*Report by: Mr SJ Minthang Gangte
Missionary IEM*

Amasan simtute cheng Lalpa lsu min in kilainatna chibai ka hun buk hi.

Gangte pau mang, Pathien nasem a diek tak maia Manipur pawlama missionary a kuondawkte ki hettuohna ding leh thagau leh taksa a ki sukhat tuohna ding ti a, kum 2015 a ana kiphutdawk Gangte Missionary Fellowship (Motto: Compelled by love: Going beyond) te chun Pathien mapuihna leh lungsietna vangin khawmpa a 2 veina chuh Asia Antioch Seminary, Guwahati mun ah April 10 - 12, 2017 chan a na mang ua, phatak leh lawhting taka mat zawh ana hi tai. Zie khawmpa ahin "Na puonin keklien in"- Isai 54: 2 na thupi'n a na mang ui. Chun khawmpa a hin a hung khawm naupangte haw puma simin mi 23 in min a na zik lut ui. Tunkim zan April 10, 2017 a patin Pathien thu leh la a, tui tak mai leh lhim

tak mai in khawmpa hawndawkna a na nei ui. Mission field chuom chuom, organization chuom chuom a sem te haw a patin field ministry sharing na haw powerpoint mangin thalawp tak mai in reportna a nei chiet ua ahung khawm mipi te haw chun biltai tak leh mittai tak mai in a ngaithau a chun a nasepna hawu a lim ngei in ana en ui. Chuleh, vak hettheih ding khat chuh, zie khawmpa ahin ESC a Executive Director, Rev Thangkhosiem ngeile thugen dinga deisak tak maia chielna a na muh chuh ahun supitinga, amah apatin le Pathien thu golul taktak mai, missionary hinkhuo leh mission field a nasepna, chuleh missionary leh a insung tih thupi haw mangin thagau an a na lui hi. Rev T Kampus leh Rev Thangcha a pat

tihsa ahi. Zie mai chule hilo nalai Parliament member khat inle, "Zie hin chuh mipi laka thu ahun gen theih tak leh" tia ana gensa ahi. Amah chule kingaisie gawpa mawk vak thaithap mai ahi. Mahleh, khatvei Sydney khawpi a Dr. Billy Graham Crusade na ah ava pang a, ahung piengthak hi. Atawp lam in Pathien tawh hung kithuoh in, pan ahunla thak a, khawvela Business leh Public speaker thiem pen (one of the most sought after public speakers in the world today) ahung hi mai ve!! Achunga ana genteu khat le guitung lo in, Multi-Millionare, Mr. Peter J. Daniels ahung hita chulah.

Awle, suohpih thu ngaihloh ziek leh thatdah ziek hilo a, lehkha hethei lo leh damtheih loh zieka lungkie mai di'n Lalpa'n ahun phal puoi. Bible sim inla, kipan thak kit in. Bible in hiti hin a gen hi, "Na puokgik chuh Lalpa chung ah nga'n la, tichun ama'n hun hihat in a, mi diktat chuh bangtik lai inle dawn loh in um puo'n a" Pathien in a tii (Ps. 55:22).

3. "Beidawng ki'n." Winston

Leonard Spencer Churchill chuh November 30, 1874 kum in tha tinglo in a pieng a, a pien ding tha nih masang a pieng ahi. English te Inkuo khawsa thei taka hung pieng ahi. Mahleh, apa chun amah a dingin hun a neithe him him puoi. A nu pheichung a seilien lo, khawtang thil ngena buoi ahih ziekin, nau enkawl dinga kithalakte khuta hung seilien ahi. School kai thei ahih in, Boarding School ah a kawih ui. Lehkha a thiem loh dan chuh English leh History tihlo a pass khalo ahi. Guol pawl le thiemlo, kam thiemlo ahih ziekin, lawi dingle mu zo seklo ahi. Kum 19 a phak in, Lausanne dil ah a kie lum tavang a, azawh kum 50 ahih in, New York khawpi ah Car in a bawhlum tavang kit hi. Royal Millitary College ah a graduate a, chapang chah in sepaih a lut hi. Kum 24 ahih in, sepaih apat a hai a, Politics leh journalist lam ah a lut hi. MP kitelna ah a ding a, tel tin ahi kit puoi. Journalist lam ah a kipie kit a, South Africa lam ah Boer War chung thu suizui dingin sawl in aum a, zie tak achun aman ua, suongkul ah a khum ui. Bangti ahim khat in vangphat um

Chamna Aw

taka khuoisat hun le um ding ahi. Himahleh, khatvei nihvei haksatna um mahleh lungthuoi zieng lo in, panla ham ham hitiu. Kawlgam vang ah hinkhuo hi aluldan helo in, percent niem ziek mai mai pouh inle ‘kithah’ a bawl sek ui. I Insung tawh kituok zel in thiemna I delh ui. Thingtanga te’n Churachandpur bek, Churachandpur leh Imphal te’n Delhi, Calcutta leh Mumbai lam I delh sek ui. Chun, ei ESC sung et inle Pathien zal in lawhtinna I mu zel ui. Tuhin le Pawl 10 leh 12 te result hung suok intin, abangkhat nui ding, khenkhat kap ding I hiu hi. A lawhtingte I kipahpih zing lai in, a lawhsamte le lawhsam dan kizil a, zie apata chuh I hihkhelhna te khah hihdik a lungthuoi lo a, tup kichien tak tawh Pathien muonga panla thak dingin I kichel ui. Pathien lehkhabu’n “Na puokgik chuh Lalpa chung ah nga’n la, aman hun dawn nuom ahi” a ti (Ps. 55:22). Chuleh, a lawhtingte’n le Lalpa vanga lawhting ka hi tih kihe chiet hitiu. Dawpsanna chuh Pathien akipat ahi ti’n Bible in a gen hi (Ps. 75:6).

1. “Na chapa hi azie aum puoi,

School kaihsak dah mai in.” Zie thu hi Thomas Edison a neulai in lehkha a thiem mawh taluo a a School pu’n a hona ahi. Zie thu hi lehkha a zik in, a puonak nun glam ah a kilhden a, anute na muh tei tei dinga a bawl ahi. Zie chuh a muhtak in anu’n In ah lehkha a simsak a, atawp in Scientist minthang, Electric bulb leh thingkuong lasa mudawktu’n ahung pang a, amah nasep dawksa Electric vak nuoi ah vak singseng in lehkha I sim thei tau ahi hi. Lehkha het theihloh ziek a exam fail na hih leh lungthuoi ki’n, kithahdah ki’n, Pathien in mi thupi tak a hun siemthei ahi. Kimuong takin aphalam chauh gel in, lungthuoi lo in bawl zel in, lungkiekloh leh thawkhatna chuh lawhitna bul ahi.

2. “Panna ding bei.” Zie thumal hih ahihleh naupang khat dam theilo, gawng phinphen zieng, guol pha zolo, galpi nihna hunlaia Australia gama khaw neuchah khata um, D. Peter J. Daniels a Teacher nu, Miss Phillips in a houna ahi. A awizapi mailo, Bank manager khat inle, “Zie pa hin In leh lo ahun suon tak leh” ana

Chamna Aw

in le Pathien thu ngaihnawp um taktak leh missionaryte dinga thu pawimawh taktak mai ngaihthak a na hi. Chun, Pathien pahchakna la le Nu Dikte, Pr Thiena te haw apat ale ngaihthak zing ahi.

Zie khawmpি hih a lulna diek chuh Pathien hokhawmna huna mat a hihna banah topic/thupi chuomchuoma holim khawmna leh ngaihdan genkhawmna hunle mat a na hi. Holim khawmna hun leh genkhawmna hun ahiin thu tamtak missionaryte hetdinga pawimawh haw ahung khawmte

cheng in kidiem lo hielin a na sulang ui. Chuleh tiemteh dinga kilawm tak mai chuh, khawmpি hun sung chenga nek leh chak cheng hih Rev T Kampu leh a insung miten a sponsor uh ana hi. Pathien apha. Pathien in a leh tamtakin vangsak tau hen.

Khawmpি sung ahin GMF chieh hawihna ding leh khantohna ding a kiho khawmna a na nei ua, lungki guol tak maiin a nuoi a haw hih 2019 tienga Office Bearer dingin teldawkna a na nei ui.

President-cum-Treasurer	:	Rev T Kampu Thangzom
Secretary	:	Rev Thangcha Gangte
Information Secretaries	:	Pr Goulienmang Gangte - Tripura Mr H Thanglienmang - Arunachal Pradesh

Advisers:

- 1. Rev Thangkhosiem Gangte
- 2. Rev Tongkhokap Gangte
- 3. Rev K Siemlien Gangte
- 4. Rev K Mawia Gangte
- 5. Rev Letthang Gangte





Chuleh, ahung khawm chengin GMF ki vaipuokna ding “DAN LEH MUOL” le a na genkhawm ua thupuknale huntieng a na siem ngal ui. Chun, GMF khawmpia 3 vei na ding hih ahung tung ding 2019 leh Tripura Mission Field a um dingin lungkiguol tak mai in thupukna a na sawnpuk ui. Ki

pawlkhawmna hih nuom tak leh thaklah umtak himahleh April 12, 2017 zan in Rev Thangkhosiem in a khakna a na nei tai.

Simtute chengin GMF hih phataka a chieh zawm zel theihna dingin I paucham na teuah a na he chiet hitiu. Lalpa'n ei vangsa kchiet tau hen.

Congratulation

Date 30th May, 2017 ni'n Nehrumarg ECT Chapel a graduation thupitak a mat ahi. ESC apat in anuoi a te hi a graduate ui.

1. Mr. T. Lalthuom, M.Div. S/o Pu Khamzalal Chiengkawnpang
2. Mr. Sachindra Deb, B.Th. S/o Sukramani Tripura
3. Miss Junny Chinneihlun, B.Th. D/o Pi Hatpi Chiengkawnpang

Lalpa'n amau pui in, vangsa khenla, thagau mangthai tamtak man ding in umpih zing uhen.

Chamna Aw
Youth Column

“NA UMDAN DING LALPA CHUNG AH NGA’N”

(Sam 37:5)



- *Evan. Paukhomang Gangte*
Secretary, CKKP.
Ph. No. 7422838211

Kum sangnih masang lam pek pek ahih lai in, France mallam ah puk (kuohawm) lientak khat aum a. Zie puk sunga chun milim zatchuom chuom, pasal khat in thikzum a gamsa a sut lim haw, bang leh ceiling haw achun tamtak kitak aum hi. Zie chuh hawihtaka mithiemte'n a sutnau achun hitihin a gen ui. Khawvel thiema a kigen puok masang lai pek in, zie puk a chuh mi ana cheng uh, amau kivakna chuh gamsa delh himai. Milim kizik haw chuh a chateau in hun chenga a muh uh, a chateau inle, milim chuh a ensek un, a let phat phat u chuh khuti a chuh nekhawl ding ahih uh hilh se se ngai talo ahi. Chuleh, pasalte'n le zie sa lim chuh a muh muh uleh gam a vak tieng uleh hung vangpha deuh sek a kigel ahiu hi. Mihing chuh, I muh mun leh zak zak te'n hinkhuo ah a chang sek hi tih zie te apan hin muhdawk ahi.

Awle, tuni hinle bangsak-bangthang I et leh lehkhathiem ding tih chauh kitak, zingkal nitak a I muh uh ahi sek hi. Inkuon vakna ding, Inchen lochen nuomtaka puk apat pem dawk tei guo I hi tau hi. Sapte thuching in, Pen hi chem sanga hiemzaw (Pen is mightier than the sword) a tih bang in, chem leh heicha nusieh a pen a lovat ding in thingtang I nusieh sau sau tau hi. Thiem I zilsak, I chate'n le percent niemtak tak ahun muh chang um intin, achangleh a fail hun uh le um sek ding ahi. Zie mai chule hilo nalai, skul kaite mai hilo in, a chawmtu nulepate'n le haksatna zatchuom chuom, damlo hitan zieka sum leh pai, gieuchau

Chamna Aw

Pi Elizabeth, BA, M.Div hih tawmngai tak leh lungthima deihsakna nei tak kawmin, camp Director in apanga camper te ana puihuoi hi.

Camp sung hin Camper te chuh (command control) kitup zaw sêm a ki etkawl ding tupna ziekin group 3 in anuoi a bang hin ana ki enkawl ui;

Group khatna = Ruth Group

Group Nihna = Esther leh

Group thumna = Deborah group ti'n ana ki hawm khen ui.

Gospel Camp hi zieng ta lele pawlam a, umdan tawih dana ki-elnal le ana um to zing bawk a, zie haw cheng chuh aki gawma et in Esther

Group ten point amuh tampen ziekun, over all in first akilâk tau hi.

Bunglawn Nu Camp chuh May tarik 11, 2017 zân in Upa Letkam, Chairman Bunglawn ESC'n hawn na anei a, May, 13, 2017 nitâkin, Upa Th. Mangngul, V/C, Bunglawn ESC'n khâk na a nei tai.

Camp um sunga vak hetdinga pawimawh chuh, Pate'n Nute deihsakna leh ngaihnat etsakna'n thagau an limtak a nêk chauh hilo in, taksa an limtaka anek dingun ankuong ana siemsak ui.

Pen tui mai a programme ana kisiem himahleh kinepna khêl lam taka thagau leh taksa a lawhtitna Bunglawn Nute chunga muhtheih a aum ziekin amun a umte leh mun chuom chuom a pata mitthi tamtak sêngkawma eina paucham saktu te chungah Pathien min in kipah thu kahun gen hi.

Lalpa'n I sapchuom tin ua Nute cheng hih Insung Nu chauh hilo a Namtin te Nu hung hithei chiet di'n Nute cheng vângsak taken. Ka ki pâk hi.



Chamna Aw

CENTRAL, BIEL LEH KHUO CHENGA COMMITTEE MEMBERTE PRAYER FELLOWSHIP REPORT 2017

*By: Miss Chinbawi,
Secretary, SWS.*

Amun: ESC Council Hall

Ahun : 03rd – 05th May, 2017

Amasa'n, Prayer Fellowship report neithei dinga damna leh hunpha pieka ei pie Pa Pathien min pauchak in um hen.

Synod Women Society hin 2015 khan, Central leh Biel a SWS Committee Fellowship Programme, Santing (L) ESC ah ana kinei a, a kum kit 2016 in Pauchamna kipawlkhawmna, Prayer Fellowship in ana kimang kit hi. Tukum 2017 hin, Central leh Biel a te mai hitalo in khuo chenga Committee Memberte chengle huop in date 03rd – 05th May, 2017 sung in ESC Council Hall ah mat ahi. Zie hin member mi 79 a kichieh khawma, tunkim nitak 06:00 pm – 08:00 pm sungin pauchamna thupi ding, Puitute siem ahi a, zingkal 06:30 am – 08:30 am cheng leh Rev. Khaigin, Chaiman SWS in Esther bu apat in Bible study a nei hi. Chun, 08:30 am – 09:30 am hi pauchamkhawmna ahi a, 09:30am – 10:30 am – an nek hun ahi a, nitak lam 03:00 – 5:00 pm sung hi, kisukthien hun leh an nek hun ahi a, zanlam dak 08:10 chan

pauchamkhawmna hun a mat ahi. Anuom thei mah mah hi.

Tawbang a mi tamtak in, lung kiguol taka, Pathien ma a kun khawm a, mitthi luong kawma I get khawm nateu hih Lalpa'n lem asak hun hun in Amah lopi na ding ngeia ei lawhtit sak ngei ding kinem zing hitiu.

Puitute hin amau apat a pauchamna ding hung kilang haw lakhawmin ma ei pui u a, chuleh, tawbanga pauchamkhawmna hun mat kit machenga ki-paucham sak tuoh zing ding, Prayer patner aki hawl a, bangtiklai ale ana kipaucham saktuoh khalote, zie hun a kipata ana kipaucham sak tuoh zing ding I hih ziek un a nuom a, kipah a um takzet hi. Ni chenga eina paucham sak ding neite cheng cheng mi vangpha I hiu hi. Chun, nang leh keile, midanga dinga paucham saktu dinga Lalpa'n ei kawih ziekin kipahthu gen hitiu.

Zie a Pauchamkhawmna hun ahin, Biel khat leh khat ki-paucham sak tuoh in, SWS lawiupate; abiktak in central ate, biel ate leh khuo tin ate dinga pauchamna, I gamsung a vahawmte leh I nam sunga lawiupate, I nam a ding leh sapchuom a ding leh a dang dang haw genkhawm in hun nuomtak a mat ahi. Zie hun a a hungtel zieka kuomah a kisik umlo in, thalah tak kawm a hun mat zawh ahi. Lalpa'n lem ei sakpih a ahih chun 2018 leh zie sanga tamzaw chiekhawma, nuom zawsen a Paucham khawmna neih kit ding kinepna ahi.

Pauchamna dawngtu Pathien, amah ngei in "Ei sam inla, hun dawng ingka, thil lopi leh thil kiselna hetkhakloh chuh hun hetsak ingka a tii." (Jer 33:3)

Pauchamna hi gingtute dinga hin gui ahi a, mimal pauchamna leh mitamtak lung kiguola pauchamna hi Lalpa'n a ngaitha zing ahi. Bible a hin gingtute a hawn a pauchamkhawm, anngawla nam pumpi pauchamna hi tampi I muu a, malai Israel te hunlai khanle, lung kiguola pauchamkhawmna tampi I muu a, Thuthung Thak a hinle tampi I muu kit ua, abik takin numei haw hin paucham-khawmna a nei zing sek ui. Paul, Barnabas, Peter leh a dang dang Chanchinpha nasemte

dingin ana paucham sek ui, tih I muu ahi. Paul leh Silas suongkul sunga lasa a, a pauchamkhawm lai un, Pathien thilhithieihna lopitak ana tung hi. Peter suongkul ah aum hi tih a het phet un, numei tamtak, Mari In ah a chiekhawm ua, a paucham lai un Pathien in A Vansawlchak mangin A puidawk hi, tih I muu a, a pauchamna Pathien in a dawng a, Peter chuh damtaka amau kawma a va kihetsak lai chun a gingcha thei puou a, mak a sa mah mah u a, tih I muu a, ziegul hin ei u le, I pauchamna Lalpa'n a huntak in Amah lopina ding ngei a ei sukpitit sak ding ahi, tih I kinem a, Lalpa kawm ah ngen zing hitiu.

Tukum a I thuzil 'Esther' bu a hinle, Judate dingin kinepna bangmah aum tapuo a, lungkham leh beidawnga a um lai un Esther in an-ngawla paucham dingin thupukna anei hi. Amah ngeile a suok numeite tawh a paucham u a, zieiekchun Pathien in a pauchamna'u ana ngaitha a, Judate thah chimit na ding ni chuh a guolzawhna ni'u, ni lopi tak a hung hitai. Nenevi khawpi a mite pauchamna Lalpa'n a dawnga, a thutiem sa a zukkit a, sukmangthai loh in a um ui.

Sintute cheng cheng Lalpa'n ei vangsak chiet ta hen.



BUNGLAWN NUTE CAMP REPORT

Thupi: "Muh baihlama a um lai in Lalpa chu hawl un" (Isai 55 : 6-7)

*By: Helkhokai Gangte
Secretary, Bunglawn, ESC.*

Hun sawt taka pata Bunglawn local Church Committee te leh Bunglawn SWS (Numei pawl) te'n ana ngaihtuoh leh pauchamna tamtak tawh thuoh a ana net zinguh, Nu camp chuh Pathien lungsiet na zalin bangmah buoina umlo hielin May, tarik 10 apat 13 sungin Bunglawn ESC Ho-in ah, *Muh baihlama a um lai in Lalpa chu hawl un* (Isai 55 : 6-7) sung hih thupi a mangin lawhting takin ana kimang chai tai.

Tulai hih ei thingtâng mite dinga sep le bawl khawk lai tak himahleh, zie Nu camp kimat sung hin, sep le bawl ding tamtak nusieh in, Nute (Camper) mi 40 hiel chanchinpha hawl di'n camp ah ana lut ui.

Mitthi tamtak leh sum le pâi sênga Pauchamna tawh delhzui ahih bangin zie camp sung hin Lalpa Pathien masanga suol thupha chawi a kipie tha Nu te mi 11 a um ziekin Lalpa Pathien min pahchâk in um ta hen.

Zie camp sung hin, Nu te camper a vapang Lalpa hopihna changsa mi pieng thak sa mi 29 ava tel thei ua, zie camp a atel ziek uhin Lalpa hopihna athak taka achanbeh uh muhtheih a aum sawn sawn nâkhai ziekin avel in Pathien min pahchâk in um kit hen.

Camp sung hin, Upa Thangkhollen Changsan, Bijang, V/C Phaibiel ESC chuh main Speaker in apanga, Lalpa hatna suongin chanchinpha theihtawp suoh in agena, Pathien thagau kithuohpih na zalin athugen dawk te chun camper te lungchang nasa takin asunlet a, kihêtdawk na tieng ahun nei thei ui. Speaker pa hih tunung lele Pathien in tusanga hawihzaw sêma i gamsunga ahunmat zel ding ikinem hi.